

փաթ 1 շրջեցան, ոմանք շապիկներու թևերու ծայրը, իսկ ոմանք խունչաններու ծայրն վառեցին՝ ծուխի ընթացքի վերան գուշակութիւն արին:

Դեռ ձմեռն իւր ընթացք կը շարունակէ, պարզ գիշերն աւելի սաստիկ է ցուրտն քան Դեկտեմբ. և Յունվար. մենք կը սպասէինք Փետրուարի վերջին օրին, որ ՀռոտտաՏանի 2 գործողութիւնը կատարենք: Այն ևս եկաւ, մեր երգիքներու վերայ և դռներու առջ ալիշով 5 գիծ քաշեցինք, մտանք տուն, ախոռ և գոմ, ամեն անկիւն ծակ ու ծուկ մորթով մի հարուած տուինք, «Հռոտ ի գուրս, Մարտ ի ներս» ասացինք, արօթաքսեցինք սպառող անհաշիւ Հռոտներն, որոց փոխարէն հիւրընկալեցինք տունը բարեօք լեցնող Դոլվաթներն, որոց տեղ տուինք մեր տան մէջ գտնուած լաւ լաւ անասուններու մտուրքներու մէջ և ին. սակայն դարձեալ ձեան խաւը օր քան զօր կը թանձրանայ, կարծես թէ միտք չունի գարուն բացուելու:

Մարտ մէկին, «եղուրջ վրր թառին» կասէին մեր գիւղի հասարակութիւնը ու դէպի գաշտ կը նայէին խմբով: Որոց դէմքը ուրախ էր, գարնան մի նշանը տեսած էին—մարդիկ ձեան վերայ ամեն կողմով կը գային առանց ձեան մէջ խոթուելու. ձեան երեսը արեգակն կակղացուցած՝ գիշերուան «պարզկէն» սառեցուցած էր, եղած էր ամուր երկաթ: Ուրախ էին ճանապարհորդներն, որ եօթ. տաս օրի շափ հարթ հաւասար տարէ կամ եղ. բլ. վերայից պիտի քայլէին առանց արգելքի. «Մարտ էրկըսին, դարման վըրկիսին»:

«Մարտ վեց, ձիւն վըր ձեան ցեց», ասացին: Ես տեսայ այս անգամ խոշոր շլոփան որ կը տեղար ձեան խաւի վերայ, յիրաւի դա ևս ձիւն էր, սակայն քրքրեց իւր ներքեւի եղուրջըն, արաւ սրտուր  $\frac{1}{100}$  մեթր հաստութեամբ  $\frac{1}{10}$  մեթր երկա-

1, Մի բանի շուրջ մի անգամ դառնալուն փաթ կասեն, երկու անգամն՝ երկու փաթան, եւն:

2, Շուտաւանի գործողութիւնը հեթանոսական մի սովորութիւն է, որ Բագրեւանդայ մէջ փետրուարի երկոյն կը կատարեն, որոյ վերայ ընդարձակ գրած եմ:

3, Ակիշ 1  $\frac{1}{10}$  կանգնոյ շափ երկաթեայ ցող մի է եւ ծայրը կեռ, որով թունդիբէն կրակ, տաք անօթներ եւն. կը վերցնեն: